

Vischnaunca da Breil

**Reglament per la commercialisaziun dils
parcadis en la vischnaunca da Breil**

Art.	1	Intent
	2	Parcadis
	3	Limitaziun
	4	Uorden da parcar
	5	Diever dallas uras
	6	Taxas
	7	Reservaziun
	8	Fin dil temps da parcar
	9	Temps da parcar
	10	Puniziuns
	11	Determinaziuns finalas

Sefundond sin ils artechels 30 entochen 32 dalla lescha da baghegiar communalha ha il cussegl da vischnaunca decidiu en sia seduta dils 28 da fevrer 2000 da commercialisar ils parcadis en vischnaunca da Breil.

Art. 1

Intent La commercialisaziun dils parcadis ha per intent da reglar il temps da parcar sils parcadis publics, far uorden cul parcar e cheutras augmentar la purschida da parcar els centers dils vitgs, impedir al singul la pusseivladad da parcar a liung temps ni permanent e schaffir la pusseivladad d'in scamond da parcar aschinavon ch'ei sedamonda en special per rumir ils parcadis e per l'organisaziun da fiastas ed occurenzas dil vitg.

Art. 2

Parcadis *Commercialisai vegnan ils suandonts parcadis a Breil-vitg:*

- La piazza el sid ed egl ost dalla casa da scola
- la piazza a Cadruvi-sut
- la piazza Cadruvi
- Ils parcadis per liung dalla via Pundual-Cuort.

La suprastonza sa da tut temps era commercialisar auters parcadis els ulteriurs vischinadis.

Art. 3

Limitaziun Sils parcadis signalisai cun la tabla ufficala (signal 321 „parcadi cun uras da parcar“) astga vegnir parcau per in temps limitau. Il temps maximal lubiu vegn controllaus cun uras da parcar.

Art. 4

Uorden da parcar Ils vehichels ston vegnir parcai conform agl uorden enteifer las lingias signadas, respectiv tenor la tabla directiva. Leu nua ch'ei vegn parcau en posiziun traversa ein ils vehichels da parcar cun la part davon encunter l'ura.

Art. 5

Diever dallas uras Immediat suenter haver occupau il plaz da parcar ei da metter en funcziun l'ura. Quei succeda cun spisgiar l'ura cun la muneida tenor tariffa pil temps previu d'occupar il parcadi. Vegnan plirs parcadis occupai entras in vehichel, (camiun) ein tuttas uras dils parcadis

occupai da metter en funcziun. Parcadis occupai mo per part ein da pagar cumpleinamein.

Vegn in parcadi libers avon ch'il temps pagau ei currius giu, sa quel vegnir duvraus d'in suandont automobilist senza pagar ina taxa per il temps che resta ni cun pagar suenter il rest dil temps lubiu.

Art. 6

Taxas

Las taxas ein indicadas sin las uras da parcar.

La tariffa munta a minimum 20 rps ed a maximum 50 rps per 10 minutas.

Il temps maximal ei limitaues sin 5 uras.

Tenor situaziun e necessitad ei la suprastonza cumpetenta da fixar la taxa da parcar tochen al maximum e da reducir il temps da parcar maximal per aschia contonscher ina certa rottaziun.

Art. 7

Reservaziun

Il reservar in plaz cun pagar la taxa ordavon ei buca pusseivel.

Art. 8

Fin dil temps da parcar

Sil pli tard cura ch'il temps lubiu ei spiraus (il signal scamond da parcar cumpara sill'ura) sto il possessur dislocar il vehichel. Occupar il plaz pli ditg cun pagar suenter ei buca lubiu.

Art. 9

Temps da parcar

Il temps da parcar suttamess alla taxa da parcar ei limitaues el temps e serestrenscha sils luverdis, mintgamai dallas 7.00 uras entochen allas 19.00 uras.

En cass da basegns specials duront igl unviern ni era per organisar fiastas dil vitg sa la surpastonza scumandar tut parcar da notg.

Medemamein sa la suprastonza decider da desister sin la commercialisaziun dils parcadis duront il temps denter las sesiuns da stad ed unviern ed en connex cun autras occurenzas.

Art. 10

Puniziuns

Cuntravenziuns encunter quei uorden da parcar vegnan castigadas tenor l'ordinaziun executiva tier la lescha federala davart il traffic sillas vias, relaschada dil Cussegl grond. (870.100)

Art. 11

Determinaziuns finalas Quest reglament passa en vigur suenter l'approbaziun entras il cussegl da vischnaunca e suenter che la commercialisaziun dils parcadis ei legalmein valeivla.

Breil, ils 22 d'uost 2000

PER IL CUSSEGL DA VISCHNAUNCA

**PER LA SUPRASTONZA
COMMUNALA**

La presidenta: Erika Schneider

Il president: Sep Cathomas

Il vice-president: Venanzi Caduff

Igl actuar: Fridolin Cahenzli